

միայն յուխտ 'ի Ս . Տեղիս , որպէս ունէին սովորութիւն յաւուրց անտի Սէլիմայ առաջնոց մինչ 'ի թուականն \\\ \ \ \ \ :

Իսկ թէ ոգորոս Պատրիարք կոչեաց զգառաւորն և ըզգպրապետն , և ետ ընթեռնուլ նոցա զամենայն կարեւոր գրեանս , և ըստ մտաց նոցին գրել Հէօճէթ և Էլոճ՝ յայտ արարեալ զբովանդակ տեղիս եւ զբաժինս Հայոց : Գրեաց նաեւ ինքն հանդերձ միաբանօք գիր աղերսախառն առ Պատրիարքն և առ գլխաւորս ազգին 'ի Կոստանդինուպօլիս , արիանալ եւ քաջութեամբ պաշտպանել զիրաւունս ազգին , և մի առնել զնոսս կոխան օտից օտարաց , և զայլ կարեւոր գրեանս որոնել յարձանագրութիւնս կայսերական գիւանին , զի յերուսաղէմ ոչ կարացին գտանել զպատճէնս մեծ հրովարտակաց , զորս թախանձելով խնդրէր Յակոբ եպիսկոպոս 1804 :

Եւ մինչդեռ սոքա յայսմ խորհրդի էին ձէզար Փաշայ կալեալ զմին յերեւելեաց Ապուղօշ գիւղի Օթման անուն եդ 'ի բանտի , և եղբարք նորին գեղերեալ այսր անդր ոչ կարացին ազատել զնա . սպա եկեալ բռնացան 'ի վերայ երկից վանօրէից , և 'ի նոցանէ խնդրէին զեղբայրն իւրեանց , և նոքա խոստացան գրել առ ձէզար վասն ազատութեան նորին : Իբրեւ տեսին թէ անագանեաց պատասխան գրոյն , կալան 'ի ճանապարհի գուխտաւորս Հայոց և Յունաց , որք գային 'ի Յոպպէ քաղաքէ , և արգելին զնոսս 'ի գեօղն իւրեանց : Եւ եկեալ յերուսաղէմ 'ի դուռն քաղաքին՝ յափըշտակեցին զմին 'ի մանկանց Լատինաց և տարեալ եղին զնա 'ի գիւղն . պատգամ առաքեցին առ վանականս , եւ ասեն եթէ ոչ եկեսցէ Օթման՝ չիք փրկութիւն ուխտաւորաց ձերոց , թէպէտ եւ քաղաքապետն և Միւֆթին յղեցին զոմանս և խնդրեցին արձակել զնոսս , այլ չեղեւ հնար . իսկ ձէզար գրեաց առ վանօրսյս թէ չէ հնար արձակել զայրն : Վանականք հաղիւ սրբմն զերծուցին զուխտաւորս և բերին զնոսս յերուսաղէմ : Բդեշխն Յոպպէի մեծամեծս սպառնայր յոչ ընդունել զիոխանակաղիր իւր , տանջանօք սպառել զկեանս վանականաց , աւերել և կործանել զվանորայս : Սիւլէյման Փաշայ 'ի Նազարեթէ խնդրէր զգումարս դրամոց , և 'ի չանսալն սոցա , կալաւ և արգել զուխտաւորս 'ի ճանապարհի , որք գային յաշխարհէն Գամրաց ,